

ACTA núm. 03/2018

REUNIÓN DO CONSELLO COORDINADOR DA AGRUPACIÓN EUROPEA DE COOPERACIÓN  
TERRITORIAL DO RÍO MIÑO (AECT RÍO MIÑO)

O 19 de xullo de 2018, ás 15:30 horas (hora local), nas instalacións da CIM Alto Minho en Valença, situadas na avenida Miguel Dantas, núm. 69, reuniuse o Consello Coordinador da Agrupación Europea de Cooperación Territorial do Río Miño (**AECT Río Miño**).

Estiveron presentes, en calidade de membros do Consello Coordinador da **AECT Río Miño**, o director, Uxío Benítez Fernández, deputado de Cooperación Transfronteiriza da Deputación de Pontevedra; o vicedirector, João Fernando Brito Nogueira, presidente da Câmara Municipal de Vila Nova de Cerveira; a vogal Montserrat Magallanes Álvarez, deputada provincial de Pontevedra, e o vogal João Manuel do Amaral Esteves, presidente da Câmara Municipal dos Arcos de Valdevez. Asistiu tamén á reunión Júlio Pereira, 1.º secretario da CIM Alto Minho.

A reunión foi presidida polo director do Consello Coordinador da **AECT Río Miño**, Uxío Benítez Fernández, e nela tratáronse, de acordo coa orde do día, os seguintes asuntos:

**1. Aprobación da acta da reunión anterior**

Tras a apertura por parte do director da AECT Río Miño presentouse a acta da reunión do 3 de maio de 2018 que, despois de lida e revisada, foi aprobada por consenso unánime e asinada polas persoas presentes nesa reunión. O vogal João Manuel do Amaral Esteves manifestou a súa abstención por non estar presente na reunión.

Esta deliberación foi aprobada, por unanimidade, en minuta.

**2. Asuntos relacionados coa implementación dos proxectos Visit Rio Minho e Smart Minho, cofinanciados polo Programa Interreg V-A**

No ámbito deste asunto, aprobáronse, por unanimidade, as seguintes deliberacións:

En canto á Actividade 1–Estructuración da marca Río Miño, do proxecto Visit Rio Minho, que se encontra en fase de reformulación para integrar a AECT Río Miño, tras análise e discusión co autor Rafael Machado aprobouse o estudo *Plan de Marca. Posicionamento Estratéxico Río Miño*, que servirá de base para a implementación das restantes actividades do proxecto e para a creación do respectivo *branding* (anexo 1).

Aínda dentro da Actividade 1–Estructuración da marca Río Miño, do proxecto Visit Rio Minho, aprobouse a apertura do procedemento de contratación por consulta previa CP\_01\_18 para a **Adquisición de servizos para o desenvolvemento do Plan de marca Río Miño e definición de especificacións técnicas de *branding***, quedando o director da AECT Río Miño responsable da aprobación dos documentos necesarios e da realización das dilixencias necesarias para o lanzamento deste proceso.

No ámbito do proxecto Smart Minho, que se encontra tamén en fase de reformulación para integrar a AECT Río Miño, aprobouse a proposta de calendarización do proceso de elaboración da Estratexia Río Miño Transfronteirizo (anexo 2).

**Estas deliberacións foron aprobadas, por unanimidade, en minuta.**

### 3. Outros asuntos de interese para a AECT Río Miño

No ámbito deste asunto, foron aprobadas, por unanimidade, as seguintes deliberacións:

- Promover as dilixencias necesarias para a preparación de accións de presentación institucional da AECT Río Miño, en concreto ante: a CCDR-N, a Xunta de Galicia, a Secretaria de Estado do Desenvolvemento e Cohesión (PT), a DG Fondos (ESP), a Comisión Europea/ARFE e a ANMP/Federación Española de Municipios.
- Preparar o proceso de instalación do Consello Estratéxico, de acordo co artigo 19 dos estatutos, preferentemente antes da realización do II Foro do Río Miño Transfronteirizo.

Estas deliberacións foron, por unanimidade, aprobadas en minuta.

Sen máis asuntos que tratar, a reunión finalizou ás 17:30 horas.

Para que así conste elaborouse esta acta, que asinaron o director e vicedirector da AECT Río Miño.

Valença, 19 de xullo de 2018

O director

Uxío Benítez Fernández

O vicedirector

João Fernando Brito Nogueira